

CERTIFICACIÓN

Rosa Ana Prada Queipo, secretaria xeral do Concello de Ames (A Coruña)

Certifico: Que a Xunta de Goberno Local, en sesión ordinaria celebrada o día 08 de agosto de 2024, adoptou, entre outros, o acordo que copiado é do teor literal seguinte:

PUNTO SEGUNDO. APROBACIÓN DA CONVOCATORIA E DAS BASES DE BOLSAS PARA DEPORTISTAS DO CONCELLO DE AMES NO ANO 2024. EXPEDIENTE GD 14082/2024.

Desde a Concellaría de Deportes preténdese convocar unha nova liña de achegas para a concesión de bolsas para deportistas do Concello de Ames no ano 2024.

Tendo en conta o Plan Estratéxico de Subvencións 2023-2025, aprobado polo pleno do Concello de Ames en sesión do 23.02.2023 dende a concellaría de Deportes remítese proposta de convocatoria e das bases de bolsas para deportistas do Concello de Ames no ano 2024.

As bases reguladoras de cada unha das convocatorias están a prever unha serie de obxectivos, divididos en función do seu alcance en estratéxicos e operativos (instrumentais).

Así, o obxectivo que se pretende acadar con esta convocatoria é o de apoiar aos/as deportistas individuais de Ames, como medio para promover o deporte do municipio e, desta forma, conseguir logros deportivos para o Concello. Preténdese axudar á práctica e ao rendemento deportivo, tanto en relación ao perfeccionamento técnico e á obtención de maior rendemento nas respectivas modalidades deportivas, como facilitando a súa participación en competicións deportivas de alto nivel.

A presente convocatoria de bolsas ten por obxecto apoiar a práctica e o rendemento deportivo, así como posibilitar a participación dos e das deportistas do Concello en eventos deportivos, facilitándolles o acceso a unha preparación integral axeitada.

Ten a consideración de deporte de “carácter individual” todo aquel deporte que, segundo a súa regulamentación, é practicado por unha ou dúas persoas como máximo.

Nesta convocatoria a contía máxima destinada ascende a 10.000 € imputables á aplicación orzamentaria 341.48923 e o importe individual das achegas concedidas ao abeiro desta convocatoria non poderá superar os 700 €. As achegas estarán divididas segundo dous grupos de idades en dúas partidas:

- Grupo A (12-17 anos): concederanse bolsas cun valor máximo de 700 € cada unha delas. O crédito máximo para este grupo é de 5.000 €.*
- Grupo B (18-23 anos): concederanse bolsas cun valor máximo de 700 € cada unha delas. O crédito máximo para este grupo é de 5.000 €.*

Figura no expediente Providencia de inicio da Alcaldía, informe de Secretaria sobre o procedemento a seguir (CSV:15220IDOC25CF215B9D46E7C4DB9), informe proposta do órgano xestor e informe de fiscalización favorable emitido pola Intervención municipal (informe 409/2024 do 02.08.2024)

Por todo o exposto, a Xunta de Goberno Local, previa delegación da Alcaldía (decreto 1983/2023, BOP nº 120 do 26.06.2023), por unanimidade dos seus membros presentes, adopta os seguintes acordos:

Primeiro. Aprobar a convocatoria de bolsas para deportistas do Concello de Ames no ano 2024.

Segundo. Aprobar as bases reguladoras da convocatoria, que figuran como Anexo I deste acordo.

Terceiro. Aprobar o gasto por importe de 10.000 € con cargo á aplicación orzamentaria 341.48923 do orzamento municipal en vigor.

Cuarto. *Publicar o presente acordo seguindo o procedemento establecido no artigo 20.8 da LXS, a través do envío do estrato da convocatoria á Base Nacional de Subvencións quen o remitirá ao BOP. As bases publicaranse integramente na páxina web do Concello de Ames. O prazo para presentar as solicitudes será de 1 mes a contar desde o día seguinte da publicación do estrato da convocatoria no BOP. En caso de rematar nun día inhábil, este prazo entenderase estendido ata o inmediato hábil seguinte.*

Quinto. *Dar traslado deste acordo aos departamentos municipais afectados aos efectos oportunos.*

Sexto. *Facultar ao alcalde para cantas actuacións sexan precisas para a mellor execución do acordado.*

ANEXO I

BASES DA CONVOCATORIA DE BOLSAS PARA DEPORTISTAS DO CONCELLO DE AMES NO ANO 2024

Datos do programa:

Concellaría	<i>Deportes</i>
Anualidade	<i>2024</i>
Denominación	<i>Bolsas para deportistas do Concello de Ames</i>
Beneficiarios	<i>Deportistas federados do Concello</i>
Aplicación orzamentaria	<i>341.48923</i>
Importe da convocatoria	<i>10.000 €</i>
Importe da subvención que se vai conceder	<i>Máximo de 700 € por deportista</i>

BASE 1.- OBXECTIVOS DA CONVOCATORIA

O Concello de Ames, no seu labor de promoción e difusión do deporte é consciente das dificultades que teñen moitos deportistas federados/as con talento, especialmente nas etapas de formación, para progresar naqueles deportes que teñen un carácter individual, pertencentes a algunha das disciplinas olímpicas ou non olímpicas.

Estas bolsas pretenden apoiar aos/as deportistas individuais de Ames, como medio para promover o deporte do

municipio e, desta forma, conseguir logros deportivos para o Concello. Preténdese axudar á práctica e ao rendemento deportivo, tanto en relación ao perfeccionamento técnico e á obtención de maior rendemento nas respectivas modalidades deportivas, como facilitando a súa participación en competicións deportivas de alto nivel.

BASE 2.- RÉXIME XURÍDICO

O marco normativo polo que se rexeran as subvencións concedidas polo Concello de Ames esta constituído polas leis e disposicións que se citan a continuación e polas súas normas de desenvolvemento, así como por cantas outras normas, legais ou regulamentarias, que conteñan prescricións relativas ás subvencións ou sexan susceptibles de produciren efectos no devandito ámbito:

- Lei 38/2003, do 17 de novembro, xeral de subvencións e o Real decreto 887/2006, do 21 de xullo, polo que se aproba o seu regulamento.
- Lei 9/2007, do 13 de xuño, de subvencións de Galicia.
- Lei 7/1985, do 2 de abril, reguladora das bases do réxime local.
- Lei 5/1997, do 22 de xullo, de administración local de Galicia.
- Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais.
- Lei 39/2015, do 1 de outubro, de procedemento administrativo común das administracións públicas.
- Lei 40/2015, do 1 de outubro, de réxime xurídico do sector público.
- Lei 3/1983, do 15 de xuño, de normalización lingüística.
- Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE.
- Lei orgánica 3/2018, do 5 de decembro, de protección de datos persoais e garantía dos dereitos dixitais.
- Lei orgánica 3/2007, do 22 de marzo, para a igualdade efectiva de mulleres e homes.
- Decreto legislativo 2/2015, do 12 de febreiro, polo que se aproba o Texto refundido das disposicións legais da Comunidade Autónoma de Galicia en materia de igualdade.
- Regulamento (UE) no 1407/2013, da Comisión, do 18 de decembro, relativo á aplicación dos artigos 107 e 108 do Tratado de funcionamento da Unión Europea as axudas de minimis.
- Bases de execución do orzamento vixente do Concello de Ames.
- Ordenanza de impulso do uso do galego no Concello de Ames do 1 de xullo de 2006, BOP num. 198 do 29 de agosto de 2006.

BASE 3.- OBXECTO DA SUBVENCIÓN

A presente convocatoria de bolsas ten por obxecto apoiar a práctica e o rendemento deportivo, así como posibilitar a participación dos e das deportistas do Concello en eventos deportivos, facilitándolles o acceso a unha preparación integral axeitada.

Ten a consideración de deporte de “carácter individual” todo aquel deporte que, segundo a súa regulamentación, é practicado por unha ou dúas persoas como máximo.

Só será subvencionable unha única modalidade deportiva por solicitante e convocatoria.

BASE 4.- FINANCIAMENTO

A contía máxima destinada a esta convocatoria ascende a 10.000 € imputables á aplicación orzamentaria 341.48923. O importe individual das achegas concedidas ao abeiro desta convocatoria non poderá superar os 700 €.

As achegas estarán divididas segundo os dous grupos de idades en dúas partidas:

- Grupo A (12-17 anos): concederanse bolsas cun valor máximo de 700 € cada unha delas. O crédito máximo para este grupo é de 5.000 €.
- Grupo B (18-23 anos): concederanse bolsas cun valor máximo de 700 € cada unha delas. O crédito máximo para este grupo é de 5.000 €.

BASE 5.- BENEFICIARIOS

5.1. Requisitos das persoas solicitantes

Poderán solicitar bolsas as persoas que cumpran os seguintes requisitos:

- *Ter condición de deportista na práctica dalgún deporte olímpico (aínda que atendendo á especial importancia dun feito deportivo poderá valorarse a inclusión nestas bolsas de deportistas practicantes de deportes non olímpicos).*
- *Nacer no Concello de Ames e/ou estar empadroado no Concello de Ames, cunha antigüidade mínima de dous anos, desde o momento da solicitude da beca. A residencia acreditarase mediante a presentación do correspondente certificado ou volante de empadramento, salvo que se autorice a consulta por parte do Concello, segundo o disposto no Anexo 2 destas bases. A data da expedición do certificado ou volante será posterior á da publicación das bases reguladoras no BOP.*
- *Ter licenza federativa, durante o ano 2024, expedida pola Federación Deportiva correspondente.*
- *Estar ao corrente das obrigas fiscais co Concello de Ames, así como das obrigas coa Axencia Tributaria e a Seguridade Social.*
- *Acreditar nivel deportivo na modalidade practicada e ter proxección nas previsións de futuro.*
- *Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.*
- *Non poderán obter a condición de persoa beneficiaria os/as deportistas que participen en competicións de carácter oficial por equipos en formato de ligas regulares.*
- *Idade dos/as deportistas:*
 - Grupo A (12-17 anos): *persoas deportistas nadas desde o 1 de xaneiro de 2007 ata o 31 decembro do 2012 (incluído).*
 - Grupo B (18-23 anos): *persoas deportistas nadas desde o 1 de xaneiro de 2001 ata o 31 decembro do 2006 (incluído).*

5.2. Obrigas das persoas solicitantes

- *Todas as persoas deportistas que obteñan bolsa deberán publicitar a axuda utilizando o logo do Concello de Ames.*
- *No caso das persoas deportistas menores de idade, a persoa solicitante será sempre o/a menor, e a persoa representante (persoa que obrigatoriamente presenta a solicitude e a documentación) será o pai, nai ou titor legal do/a menor, que, ademais, se responsabilizará de todas as obrigas derivadas de que o seu fillo ou filla sexa titular/beneficiario/a da bolsa.*

BASE 6.- GASTOS SUBVENCIONABLES

Estas axudas concédense en atención á concorrencia dunha determinada situación no perceptor ou perceptora polo que só se esixe a acreditación por calquera medio admisible en dereito da devandita situación.

BASE 7.- COMPATIBILIDADES E EXCLUSIÓN

Estas bolsas serán compatibles con outras axudas públicas ou privadas para a mesma finalidade, que lle deberán ser comunicadas ao Concello de Ames.

BASE 8.- PUBLICIDADE DA CONVOCATORIA E PRESENTACIÓN DE SOLICITUDES

8.1. Publicidade da convocatoria

O extracto da convocatoria publicarase no Boletín Oficial da Provincia da Coruña previa remisión do mesmo á Base de Datos Nacional de Subvencións, de conformidade co establecido nos artigos 17.3.b e 20.8 da Lei 38/2003, do 17 de novembro, xeral de subvencións.

As bases xunto coa convocatoria desta subvención publicaranse na paxina web do Concello de Ames e remitiranse tamén á Base de Datos Nacional de Subvencións.

8.2. Prazo de presentación

O prazo para presentar as solicitudes será dun MES (1 mes) a contar desde o día seguinte ao da publicación do estrato da convocatoria no Boletín Oficial da Provincia da Coruña. En caso de rematar nun día inhábil, este prazo entenderase prorrogado ata o inmediato hábil seguinte.

8.3. Lugar de presentación

A solicitude, xunto coa documentación que corresponda, poderá presentarse:

- *No Rexistro telemático a través da sede electrónica do concello (<https://sede.concellodeames.gal>)*

- Nas oficinas de asistencia en materia de rexistro do Concello de Ames localizadas na casa do Concello en Bertamiráns e na oficina municipal do Milladoiro.
- A través de calquera outro dos medios ao que se refira o artigo 16 da Lei 39/2015 do 1 de Outubro de Procedemento Administrativo Común das AAPP.

8.4 Documentación

As solicitudes deberán achegarse nos modelos normalizados que figuran como anexos ás presentes bases:

- Anexo 1: impreso normalizado de solicitude da bolsa.
- Copia do Documento Nacional de Identidade.
- Currículo deportivo: certificación federativa onde figuren as competicións oficiais nas que participou e o resultado obtido no ano 2023.
- Proxecto deportivo para a tempada actual (anexo 1).
- Certificado de ter licenza en vigor nesta tempada expedido pola federación correspondente no que conste o histórico de licencias tramitadas.
- Última resolución publicada no DOG da Secretaría Xeral para o Deporte onde figure o recoñecemento de Deportista Galega/o de Alto nivel e a súa vixencia (se é o caso).
- Certificación bancaria da conta na que teña que efectuarse o ingreso da subvención.
- Declaración xurada de estar ao corrente coas obrigas fiscais co Concello de Ames, así como das obrigas tributarias e coa Seguridade Social (anexo 2). Respecto de estar ao corrente coas obrigas fiscais co Concello de Ames, poderá ser obxecto de consulta por parte do Concello, sen necesidade de achegar certificación se así o autoriza a persoa solicitante.
- Certificado da inscrición no Padrón Municipal de habitantes con antigüidade no caso de non autorizar ao concello á consulta.
- Declaración doutras axudas percibidas no seu caso para a mesma finalidade (anexo 1).

Para o caso de menores de idade, a persoa solicitante será sempre o/a menor, e a persoa representante (persoa que obrigatoriamente presenta a solicitude neste caso) será o pai, nai ou titor legal do/a menor, que, ademais, se responsabilizará de todas as obrigas derivadas de que o seu fillo ou filla sexa titular/ beneficiario/a da bolsa.

Os e as deportistas que se demostre que non achegaron datos reais poderán perder o total da bolsa concedida. Estes datos poderán ser contrastados coas federacións correspondentes.

A inscrición no Padrón municipal do Concello de Ames e a súa antigüidade comprobaranse de oficio no caso de que se autorice no modelo correspondente.

BASE 9.- COMPROMISOS E OBRIGAS DOS/DAS BENEFICIARIOS/AS

As persoas beneficiarias de subvencións concedidas polo Concello quedarán obrigadas ao seguinte:

- O/a beneficiario/a deberá practicar a súa modalidade deportiva acudindo aos adestramentos correspondentes e participar nas probas ou encontros deportivos aos que se lle convoque, no ano 2024.
- Cumprir a finalidade e os obxectivos, executar o proxecto, realizar a/as actividade/s ou adoptar o comportamento que fundamenta a concesión da subvención.
- Someterse a todas as actuacións que o Concello poida acordar para comprobar que os fins aos que se dedica a bolsa se corresponden cos fins para os que se solicitara e concedera a axuda, e para comprobar se cumpren todas as condicións esixidas para a súa concesión.
- Comunicar ao órgano concedente a obtención doutras subvencións, axudas, ingresos ou recursos para a mesma finalidade, procedentes de calquera outra Administración Pública, entes públicos ou privados, nacionais ou internacionais, que financien as actividades ou proxectos subvencionados. Esta comunicación deberá efectuarse tan pronto como se teña coñecemento de ditas circunstancias.
- Reintegrar os fondos percibidos nos supostos que procedan.

BASE 10.- PROCEDEMENTO DE CONCESIÓN

A concesión da subvención realizarase en réxime de concorrência competitiva.

10.1 Instrución

1. A instrución do procedemento de concesión das subvencións corresponde á Concellaría delegada en materia de Deportes, que terá o carácter de órgano instructor aos efectos indicados na normativa

reguladora das subvencións públicas.

2. O órgano instructor realizará de oficio cantas actuacións estime necesarias para a determinación, coñecemento e comprobación dos datos en virtude dos cales se debe formular a proposta de resolución.
3. De conformidade co disposto no artigo 24.3 da Lei xeral de subvencións, as actividades de instrución comprenderán as que se indican a continuación:
 - Petición de cantos informes estime necesarios para resolver ou que sexan esixidos por esta convocatoria específica e as demais normas que regulan esta subvención.
 - Avaliación das solicitudes ou peticións, efectuadas de conformidade cos criterios, formas e prioridades de valoracións establecidos na base seguinte.
4. Se a solicitude de subvención non reúne os requisitos establecidos por esta convocatoria, incluído o defecto, erro ou ausencia nos datos da solicitude e/ou na documentación presentada, o órgano instructor requirirá ao interesado para que emende a falta ou achegue os documentos preceptivos, no prazo máximo de 10 días hábiles, indicándolle que se non o fixera se lle terá por desistido da súa solicitude, previa resolucións que deberá ser ditadas nos termos previstos no artigo 68 da Lei 39/2015, do 1 de outubro, do procedemento administrativo común das administracións públicas.
5. Sen prexuízo do disposto no parágrafo anterior, en calquera fase do procedemento anterior á proposta de resolución, poderase requirir á entidade ou agrupación solicitante que achegue a información e documentación aclaratoria e complementaria que se considere conveniente para a correcta definición, avaliación e comprobación da solicitude presentada.
6. O órgano instructor deberá emitir informe no que conste que da información que obra no seu poder se desprende que os beneficiarios cumpren todos os requisitos necesarios para acceder ás subvencións reguladas nesta convocatoria.
7. O órgano instructor, á vista do expediente e do informe da Comisión Avaliadora, formulará a proposta de resolución debidamente motivada.

10.2. Comisión avaliadora

A comisión avaliadora estará integrada polos seguintes membros:

Presidente/a	-O alcalde
Vogais	-A concelleira delegada de Deportes -O animador deportivo, que actuará igualmente como secretario da comisión.

A Comisión Avaliadora deberá facer unha valoración e asignación de puntos a cada solicitude presentada, aplicando os criterios de valoración establecidos no apartado seguinte (10.3)

10.3. Criterios de valoración das solicitudes.

A valoración das solicitudes realizarase atendendo aos seguintes criterios:

- **PALMARÉS 2023:** Valórase unicamente o mellor resultado acadado pola persoa deportista atendendo ao seguinte baremo:
 - **Categoría autonómica (campionatos galegos oficiais):**
 - 3º posto: 3 puntos
 - 2º posto: 4 puntos
 - 1º posto: 5 puntos
 - **Categoría nacional (campionatos de España oficiais):**
 - Do 4º o 10º posto: 4 puntos
 - 3º posto: 6 puntos
 - 2º posto: 7 puntos
 - 1º posto: 8 puntos
 - **Categoría internacional (campionatos oficiais):**
 - Do 4º ao 10º posto: 15 puntos
 - 3º posto: 20 puntos
 - 2º posto: 25 puntos
 - 1º posto: 30 puntos

** Só serán puntuables os resultados obtidos de forma individual nos campionatos da súa disciplina.*

- **CONTINUIDADE:** Valoración en función dos anos de práctica dos deportistas, éxitos pasados e mantemento do deportista na alta competición nos seus respectivos deportes e categorías:
3 ou máis anos: 3 puntos
1-2 anos: 1 punto
- **DEPORTE OLÍMPICO:** 2 puntos por estar federado/a nunha modalidade olímpica.
- **Competir cun club do Concello de Ames:** 2 puntos
- **Ser deportista galega/o de alto nivel recoñecida/o pola Secretaría Xeral para o Deporte, no momento da publicación das bases desta convocatoria:** 5 puntos

*Para poder optar a estas axudas será requisito obrigatorio que os e as solicitantes obteñan un mínimo de 3 puntos no apartado palmarés 2023, e de **8 puntos no total**.*

Poderanse realizar de oficio as actuacións que se estimen necesarias para a determinación, coñecemento e comprobación dos datos achegados polas persoas deportista, en virtude dos cales se formulará a proposta de concesión de becas.

10.4. Determinación do importe da subvención concedida

As achegas estarán divididas segundo os seguintes grupos de idades:

- **Grupo A (12-17 anos):** concederanse bolsas cun valor máximo de 700 € cada unha delas. O crédito máximo para este grupo é de 5.000 €.
- **Grupo B (18-23 anos):** concederanse bolsas cun valor máximo de 700 € cada unha delas. O crédito máximo para este grupo é de 5.000 €.

O importe da subvención concedida a cada deportista determinarase segundo a seguinte fórmula:

*Contía da achega concedida = Puntos obtidos na valoración da solicitude * Valor do punto.*

O valor punto calcularase segundo a seguinte fórmula:

Valor punto = Crédito total a distribuír por cada un dos grupos / Total de puntos obtidos por todas as valoracións de todos os e as deportistas de cada un dos grupos.

Unha vez obtido o valor punto en euros multiplicarase polos puntos obtidos por cada unha das solicitudes, coa seguinte limitación: 700 euros por solicitude.

No caso de que aplicando o límite por achega (700 €), quede un sobranse, o dito sobranse repartirase volvendo a calcular un valor punto de cada grupo, que será o resultado de dividir o importe sobranse entre a suma de todos os puntos daquelas solicitudes subvencionables que non alcanzasen o seu límite no apartado anterior.

No caso de que resultase de novo un sobranse procederase de igual modo.

Se non se esgota a contía destinada a cada un dos grupos, A ou B, esta poderá ser destinada ao outro grupo, sempre que se xustifique dita decisión.

10.5. Resolución

Logo da preceptiva fiscalización do órgano interventor sobre a proposta realizada polo servizo instrutor, a Alcaldía ou o órgano a favor do cal a Alcaldía efectuase a correspondente delegación, ditará resolución definitiva.

A resolución de concesión deberá conter a relación das solicitudes estimadas, desestimadas, desistidas e non admitidas a trámite.

As resolucións que estimen as solicitudes expresarán en relación con cada unha delas o obxecto da subvención outorgada, a contía concedida, o coeficiente de financiamento correspondente e o orzamento subvencionado. As que desestimen as solicitudes ou as inadmitan a trámite motivarán debidamente esta circunstancia.

A falta de resolución expresa en prazo implicará a desestimación da solicitude de subvención, sen prexuízo do indicado no artigo 24 da Lei 39/2015, de 1 de outubro, do procedemento administrativo común das administracións públicas.

10.6. Prazo de resolución e notificación

A súa resolución notificaráselle a todos os solicitantes no prazo máximo de un mes desde o remate do prazo de presentación de solicitudes, expresando, de xeito motivado, se foi desestimada ou estimada a solicitude, para os efectos de posibles recursos.

A notificación efectuarase nos termos establecidos no artigo 42 da lei 39/2015 do 1 de outubro, de procedemento administrativo común das administracións públicas.

10.7. Recursos

A resolución ditada porá fin á vía administrativa e contra a mesma caberá interpor ben recurso contencioso-administrativo, ou ben, potestativamente e con carácter previo a este, recurso de reposición ante o mesmo órgano que a ditou. A presentación do recurso de reposición poderá efectuarse no prazo sinalado no artigo 124 da Lei 39/2015, do 1 de outubro, de procedemento administrativo común das administracións públicas (un mes desde a notificación da resolución de concesión da subvención). A interposición do recurso contencioso administrativo poderá efectuarse no prazo indicado no artigo 46 da Lei 29/1998, do 13 de xullo, reguladora da xurisdición contencioso-administrativa (dous meses desde a notificación da resolución de concesión da subvención).

10.8. Aceptación ou renuncia á subvención

No prazo de dez (10) días naturais seguintes ao da notificación da resolución, os/as beneficiarios/as das subvencións deberán comunicarlle ao Concello de Ames, por escrito, a aceptación ou renuncia á mesma. Se transcorrido ese prazo non se fixese manifestación expresa en ningún sentido, entenderase tacitamente aceptada a subvención concedida.

BASE 11.- XUSTIFICACIÓN E PAGAMENTO

11.1 Xustificación.

Ao abeiro do previsto no artigo 28.9 da Lei 9/2007, de 13 de xuño, de subvencións de Galicia, as subvencións que se concedan en atención á concorrencia dunha determinada situación no perceptor ou perceptora non requirirán outra xustificación que a acreditación por calquera medio admisible en dereito da devandita situación previamente á concesión, sen prexuízo dos controis que poidan establecerse para verificar a súa existencia.

En consecuencia, nesta convocatoria non se esixirá a presentación dunha xustificación por parte dos beneficiarios/as.

11.2. Pagamento

O pagamento farase efectivo unha vez comprobado o cumprimento dos requisitos indicados nas bases reguladoras e realizarase, con carácter xeral, nun pago único.

Emitida resolución de pagamento, a tesourería preparará a orde de transferencia correspondente a prol da conta bancaria designada polo/a beneficiario/a.

No caso de non estar ao corrente nas súas obrigas coa Facenda Pública, Seguridade Social e Concello de Ames advertirase ao/á beneficiario/a de que non se procederá ao pagamento e concederáselle un prazo de 3 meses para xustificar que ten regularizada a súa situación. De non presentar a xustificación no indicado prazo declararase a perda do dereito á subvención outorgada.

BASE 12.- REINTEGRO DA SUBVENCIÓN

As subvencións serán reintegradas nos supostos previstos no artigo 37 da Lei 38/2003, de 17 de novembro.

BASE 13.- RÉXIME SANCIONADOR

A persoa beneficiaria quedará sometida ás responsabilidades e réxime sancionador disposto na Lei Xeral de Subvencións e, se é o caso, ao disposto no Código Penal.

Será de aplicación o réxime sancionador previsto no Título IV da Lei 38/2003, xeral de subvencións.

BASE 14.- ÓRGANOS DE CONTROL DAS SUBVENCIÓNS CONCEDIDAS

As entidades beneficiarias de subvencións concedidas polo Concello quedarán obrigadas a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outro órgano de control interno ou externo, nacional ou europeo.

BASE 15.- CONTROL POSTERIOR POLA INTERVENCIÓN MUNICIPAL

O control posterior das subvencións concedidas axustarase ao que cada ano se recolla no Plan Anual de Control Financeiro aprobado polo órgano interventor.

DISPOSICIÓN ADICIONAL PRIMEIRA.- PUBLICACIÓN DAS SUBVENCÍONS CONCEDIDAS E INCORPORACIÓN AO REXISTRO PUBLICO DE SUBVENCÍONS

Para os efectos da salvagarda do dereito dos participantes na presente convocatoria á protección dos seus datos de carácter persoal, nos termos previstos na Lei orgánica 3/2018, do 5 de decembro, de protección de datos persoais e garantía dos dereitos dixitais, faise constar que os datos das subvencións concedidas quedarán incorporados ao rexistro público de subvencións, nos seguintes termos:

En cumprimento do disposto no artigo 20.1 da Lei 38/2003, Xeral de Subvencións e demais normativa de desenvolvemento, os datos da subvención concedida e a identificación dos beneficiarios/as serán remitidas á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.

Do mesmo xeito, e por aplicación do disposto no artigo 30 do RD 887/06, advírtese que o Concello de Ames publicará as subvencións concedidas, expresando na mesma o nome ou razón social do beneficiario/a, número de identificación fiscal (segundo o disposto na Lei orgánica 3/2018, do 5 de decembro, de protección de datos persoais e garantía dos dereitos dixitais), finalidade ou finalidades da subvención con expresión, no seu caso, dos distintos programas ou proxectos subvencionados e cantidade concedida.

DISPOSICIÓN ADICIONAL SEGUNDA.- PROTECCIÓN DE DATOS

O Concello de Ames é o responsable do tratamento dos datos persoais que consten no expediente de convocatoria destas axudas. Os datos serán tratados coa finalidade específica da tramitación da convocatoria de bolsas para deportistas do Concello de Ames no exercicio 2024 e a verificación dos datos achegados na solicitude, de conformidade coa regulación establecida no Regulamento (UE) 2016/679, do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e na Lei orgánica 3/2018, de 5 de decembro, de protección de datos persoais e garantía dos dereitos dixitais e demais disposicións de aplicación.

A lexitimación do tratamento está baseada na realización dunha misión en interese público fundamentada na Lei 7/1985, do 2 de abril, reguladora das bases de réxime local e o cumprimento dunha obriga legal establecida na Lei 9/2007, do 13 de xuño, de subvencións de Galicia.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, mediante solicitude por escrito presentada no rexistro municipal do Concello (Praza do Concello, nº 2, 15.220, Bertamiráns - Ames) ou por calquera outro rexistro dos establecidos na normativa reguladora do procedemento administrativo común, e na que especificará cal destes solicita sexa satisfeito..

Máis información en <https://www.concellodeames.gal/gl/atencion-cidada/proteccion-datos-persoais>

DISPOSICIÓN FINAL

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia e no seu Regulamento.

CONVOCATORIA DE BOLSAS PARA DEPORTISTAS DO CONCELLO DE AMES NO ANO 2024

ANEXO 1: SOLICITUDE DA BOLSA

Nota.- Xunto con este anexo, as persoas solicitantes deberán achegar igualmente:

- 1 - Copia do Documento Nacional de Identidade.
- 2 - Currículo deportivo: certificación federativa onde figuren as competicións oficiais nas que participou e o resultado obtido no ano 2023.
- 3 - Proxecto deportivo para a tempada actual.
- 4 - Certificado de ter licenza en vigor nesta tempada expedido pola federación correspondente no que conste o histórico de licenzas tramitadas.
- 5 - Certificación bancaria da conta na que teña que efectuarse o ingreso da subvención.
- 6 - Certificación de estar ao corrente nas obrigas coa Axencia Tributaria, Concello e Tesourería Xeral da Seguridade Social, no caso de non autorizar ao Concello á comprobación.
- 7 - Certificado da inscrición no Padrón Municipal de habitantes con antigüidade no caso de non autorizar ao concello á consulta.

No caso de persoas menores de idade (representante legal): ☐ Pai ☐ Nai ☐ Titor

Nome e apelidos (representante legal)		NIF	
Enderezo		Municipio	
Enderezo electrónico		Teléfono	

Actuando en representación de:

Nome e apelidos da/o deportista		NIF	
Enderezo		Municipio	
Enderezo electrónico		Teléfono	

Tendo coñecemento da liña de axudas convocada polo Concello de Ames para a convocatoria de bolsas para deportistas no ano 2024, SOLICITO ao abeiro desta convocatoria a concesión da posible achega.

Nota.- Deberase describir, de xeito suficientemente detallado, o proxecto deportivo para a tempada actual (2024) para a que se solicita a axuda, así como o fin ou obxectivo que se espera acadar, de feito que resulte posible contrastar a súa efectiva consecución. En caso de que o espazo ofrecido neste cadro non sexa suficiente, poderán empregarse os documentos adicionais necesarios, e estes documentos adicionais presentaranse xunto con esta solicitude.

--

AXUDAS SOLICITADAS PARA A MESMA FINALIDADE DESTA CONVOCATORIA	IMPORTE
TOTAL	

INFORMACIÓN RELATIVA AO TRATAMENTO DOS SEUS DATOS PERSOAIS

O Concello de Ames é o responsable do tratamento dos datos persoais que consten no expediente de convocatoria destas axudas. Os datos serán tratados coa finalidade específica da tramitación da convocatoria de bolsas para deportistas do Concello de Ames no exercicio 2024 e a verificación dos datos achegados na solicitude, de conformidade coa regulación establecida no Regulamento (UE) 2016/679, do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e na Lei orgánica 3/2018, de 5 de decembro, de protección de datos persoais e garantía dos dereitos dixitais e demais disposicións de aplicación.

A lexitimación do tratamento está baseada na realización dunha misión en interese público fundamentada na Lei 7/1985, do 2 de abril, reguladora das bases de réxime local e o cumprimento dunha obriga legal establecida na Lei 9/2007, do 13 de xuño, de subvencións de Galicia.

Os datos solicitados non serán comunicados a terceiros, salvo obriga legal.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de

decisións individuais automatizadas, incluída a elaboración de perfís, mediante solicitude por escrito presentada no rexistro municipal do Concello (Praza do Concello, nº 2, 15.220, Bertamiráns - Ames) ou por calquera outro rexistro dos establecidos na normativa reguladora do procedemento administrativo común, e na que especificará cal destes solicita sexa satisfeito..

Máis información en <https://www.concellodeames.gal/gl/atencion-cidada/proteccion-datos-persoais>

Ames, _____ de _____ de 2024

O/a representante legal

O/a solicitante

CONVOCATORIA DE BOLSAS PARA DEPORTISTAS DO CONCELLO DE AMES NO ANO 2024

ANEXO 2: DECLARACIÓN RESPONSABLE

No caso de deportistas menores de idade (representante legal): ☐ Pai ☐ Nai ☐ Titor

Nome e apelidos (representante legal)		Nif	
Enderezo		Municipio	
Enderezo electrónico		Teléfono	

Actuando en representación de:

Nome e apelidos da/o deportista		NIF	
Enderezo		Municipio	
Enderezo electrónico		Teléfono	

Aos efectos do previsto no artigo 69 da Lei 39/2015, de procedemento administrativo común das administracións públicas, do artigo 13 da Lei 38/2003, de 17 de novembro, xeral de subvencións, e do artigo 24 do Real decreto 887/06, de 21 de xullo, polo que se aproba o Regulamento da Lei xeral de subvencións.

En relación ao proxecto para o que se solicita unha achega do Concello de Ames ao abeiro da convocatoria sinalada no encabezamento deste documento, formulo a seguinte

DECLARACIÓN RESPONSABLE:

a) Que eu ou a persoa representada por min está ao corrente das súas obrigas tributarias e coa Seguridade Social e co Concello de Ames, e non está incurso en ningunha outra causa que supoña ou poida supoñer obstáculo legal para o seu acceso á condición de beneficiaria dunha achega ao abeiro da presente convocatoria, comprometéndose a manter esta situación ate a completa resolución do expediente.

b) Que eu ou a persoa representada por min non estou/está incurso/a en ningunha circunstancia que impida o acceso á condición de beneficiario/a dunha achega pública.

c) Que non obstante o anterior, para a tramitación desta solicitude:

☐ AUTORIZO ao Concello de Ames para comprobar a veracidade da anterior declaración tanto na Axencia Estatal da Administración Tributaria como na Tesourería Xeral da Seguridade Social e no propio Concello.

☐ NON AUTORIZO ao Concello de Ames para comprobar a veracidade da anterior declaración tanto na Axencia Estatal da Administración Tributaria como na Tesourería Xeral da Seguridade Social e no propio Concello.

No caso de opoñerse á comprobación deberá achegar a documentación necesaria para a xestión do trámite.

d) Que co fin de comprobar o requisito da inscrición no Padrón municipal e a súa antigüidade:

☐ Autorizo ao Concello de Ames para consultar os datos no Padrón municipal.

☐ Opoñoome a que o Concello de Ames consulte os citados datos no Padrón municipal.

No caso de opoñerse á comprobación deberá achegar un certificado de empadramento no que figure a antigüidade.

DATA DE SINATURA: HASH DO CERTIFICADO:
13/08/2024 94794F58078E16456C0177DD6EC026B3B160625F
13/08/2024 730CB0C7BEDE26CF91FFE12FB1AD5324897DCDF6

POSTO DE TRABAJO:
Secretaría
Alcaldesa por delegación

NOME:
PRADA QUEIPO, ROSA ANA
SENORIS RODRIGUEZ, SUSANA

Asinado Dixitalmente no Concello de Ames - https://sede.concellodeames.gal - Código Seguro de Verificación: 15220IDOC2C6B5C61C3BE53040A4

e) Que me someto ás actuacións de comprobación e á achega da documentación que o Concello de Ames poida acordar para comprobar que as actuacións ás que se dedica a subvención, no caso de ser concedida, se corresponden cos fins para os que se solicita.

Ames, _____ de _____ de 2024

O/a representante legal

O/a solicitante

E para que conste, para os efectos oportunos, expido a presente co visto e praxe do alcalde, en Ames, a 13.08.2024, e coa advertencia de que non foi aprobada aínda a acta da sesión correspondente.

Vº e praxe

A primeira tenente de alcalde

Alcaldesa por delegación (Decreto 2500/2024)

Susana Señorís Rodríguez

A secretaria

Rosa Ana Prada Queipo

C.I.F.: P - 1500200 - I